

**Javna ustanova "Fond Memorijala Kantona Sarajevo"**, sa sjedištem u Sarajevu, ul. Širokac 22, Kovači, Općina Stari Grad, koju zastupa direktor Bahtanović Hazim, mr. (u daljem tekstu: **Ugovorni organ**)

i

**Kantonalno javno komunalno preduzeće za sahrane i upravljanje grobljem „POKOP“ d.o.o. Sarajevo**, ul. Mula Mustafe Bašeskije br. 38, Sarajevo, Stari Grad, JIB: 4200119040004, koje zastupa direktor Goran Cerić (u daljem tekstu: **Dobavljač**)

Zajednički naziv za **Ugovornog organa i Dobavljača** je **UGOVORNE STRANE**.

zaključili su u Sarajevu, dana 22.12.2020.godine

## **U G O V O R** **o održavanju grobnih mjesta šehida i poginulih boraca**

### **I PREDMET UGOVORA**

#### **Član 1.**

Dobavljač se obavezuje, da u ime i za račun Ugovornog organa, na grobljima kojima gazduje i upravlja, a gdje je ukopano 2064 šehida i poginulih boraca, kontinuirano u 2020. godini vrši čišćenje, uređenje i održavanje svakog grobnog mjesta šehida i poginulog borca.

#### **Član 2.**

- (1) Ugovorni organ se obavezuje da Dobavljaču na ime naknade godišnje takse za održavanje grobnog mjesta šehida i poginulog borca isplati godišnju taksu od 8,50 KM sa uključenim 17% PDV po svakom grobnom mjestu i to za 2020.godinu, na žiro račun Dobavljača broj: 3383202250686353 koji se vodi kod Unicredit Bank d.d..
- (2) Dobavljač se obavezuje da neće naplaćivati godišnju taksu porodicama šehida i poginulih boraca za održavanje grobnog mjesta za 2020.godinu, na grobljima datim Dobavljaču na gazdovanje i upravljanje: «Pomoćni stadion Zetra», «Lav», « Sv. Josip», «Sv. Marko», «Bare», «Vlakovo» i «Obad».

#### **Član 3.**

- (1) Prema evidenciji Ugovornog organa, na grobljima: «Pomoćni stadion Zetra», «Lav», «Sv. Josip», «Sv. Marko», «Bare», «Vlakovo» i «Obad» ukopano je 2064 šehida i poginulih boraca.
- (2) Konačan broj ukopanih šehida i poginulih boraca na navedenim grobljima Ugovorni organ može dopunjavati spiskovima i uredno ih dostavljati Dobavljaču, a što će se regulisati zaključivanjem novog ugovora.

Sastavni dio ugovora čini i spisak šehida i poginulih boraca ukopanih na grobljima iz stava 1. ovog člana u elektronskoj formi.

### **II CIJENA I NAČIN PLAĆANJA**

#### **Član 4.**

Ugovorne strane su saglasne da ukupna vrijednost Ugovora godišnje takse za održavanje 2064 grobnih mjesta šehida i poginulih boraca sa PDV-om iznosi

**17.532,03 KM**

**(slovima: sedamnaest hiljadapetstotinatridesetdva i 03/100KM)**

#### **Član 5.**

Strane u Ugovoru su saglasne da će Ugovorni organ plaćati sukcesivno vrijednost ugovora, a u roku 15

/petnaest/ dana od datuma dostavljanja uredno ovjerenih faktura.

### **III ROK IZVRŠENJA USLUGA**

#### **Član 6.**

Ugovorne strane su saglasne da je rok za izvršenje usluga do 31.12.2020.godine.

### **IV UGOVORNA KAZNA**

#### **Član 7.**

- (1) U slučaju kašnjenja u pružanju usluge, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima, u iznosu od 1% vrijednosti usluge, za svaki dan kašnjenja do urednog ispunjenja, s tim da ukupan iznos ugovorne kazne ne može prijeći 10% od ukupno ugovorene vrijednosti usluge, koji su predmet javne nabavke. Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva za plaćanje od Ugovornog organa.
- (2) Ugovorni organ neće naplatiti ugovornu kaznu, ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja, na koje izabrani ponuđač nije mogao uticati niti ih predvidjeti.

### **V MJESTO IZVRŠENJA USLUGA**

#### **Član 8.**

Ugovorne strane su saglasne da je mjesto izvršenja ugovora: Gradska groblja na području Kantona Sarajevo, kojima gazduje KJKP "Pokop" d.o.o. Sarajevo.

### **VI PRELAZNE I ZAVRŠNE ODREDBE**

#### **Član 9.**

Dobavljač je dužan uredno izvršavati svoje obaveze, održavati i čistiti svako grobno mjesto na grobnim površinama gdje su ukopani šehidi i poginuli borci, a Ugovorni organ je dužan svoje obaveze plaćanja po Ugovoru na vrijeme izvršiti.

#### **Član 10.**

Odredbe ovog Ugovora primjenjuju se do 31.12.2020.godine.

#### **Član 11.**

Na odnose između ugovorenih strana koji nisu regulisani ovim ugovorom primjenjuju se odgovarajuće odredbe Zakona o obligacionim odnosima.

#### **Član 12.**

Ugovorene strane su saglasne da eventualno nastale sporove rješavaju putem svojih ovlaštenih zastupnika sporazumno, a ukoliko nastali spor ne budu mogle riješiti na predviđeni način, isti će rješavati nadležan sud u Sarajevu.

#### **Član 13.**

Ugovorni organ i Dobavljač u znak razumijevanja i prihvatanja odredbi ovog ugovora, vlastoručno ga potpisuju.

**Član 14.**


Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

**ZA UGOVORNI ORGAN  
DIREKTOR  
Bahtanović Hazim, mr.**



Broj: 13-03-01-AM/45-330/20  
Sarajevo, 22.12.2020. godine

**ZA DOBAVLJAČA  
DIREKTOR  
Goran Čerić**



Broj: 01-45-5294/2020  
Sarajevo, 23.12.2020.

